



Page: 3

Reach: 50000

Country: BOSNIA AND HERZEGOVINA

Size: 429 cm2

1 / 2

Alen u Predsjedništvu BiH, OSA-i i sa čelnicima agencija

Jedinstven odgovor na terorizam

Tokom susreta s reisom Kavazovićem razgovarano i o podršci Koaliciji i borbi protiv propagande koja je usmjerena na grupe stanovništva podložne radikalizaciji

General Džon Alen (John Allen), specijalni predstavnik predsjednika SAD za Koaliciju za borbu protiv ISIL-a, boravio je jučer u Sarajevu i informirao visoke bh. političke lidere i zvaničnike iz sigurnosnog sektora o naporima Koalicije da degradira i pobijedi ISIL, saopćila je jučer Američka ambasada u Sarajevu.

Razmjena informacija

General Alen imao je produktivne sastanke s članovima Predsjedništva BiH, rukovodstvom Obavještajno-sigurnosne agencije (OSA) BiH, kao i drugim predstavnicima sigurnosnih i pravosudnih institucija i agencija nadležnih za provođenje zakona.

Sastao se i s reisom Huseinom ef. Kavazovićem i ostalim predstavnicima Islamske zajednice u BiH. Tokom susreta razgovarano je i o podršci Koaliciji i njenoj borbi protiv propagande koja je usmjerena na grupe stanovništva podložne radikalizaciji.

Tokom svih susreta, general Alen izrazio je zahvalnost za učešće BiH u Globalnoj koaliciji za borbu protiv ISIL-a te njeno učešće u Ra-

dnoj grupi za borbu protiv regrutiranja stranih boraca terorista i Radnoj grupi za sprečavanje finansiranja ISIL-a.

- Potvrdio je važnost bolje razmjene informacija i obavještajnih podataka kako bi se pomoglo u zaustavljanju protoka stranih boraca, uključujući i definiranje u potpunosti koordiniranog odgovora na terorizam, harmonizaciji zakonskih i sigurnosnih mjera BiH sa susjedima i provođenju postojećih zakona - saopćeno je iz

Američke ambasade u BiH.

Dugo partnerstvo

General Alen istakao je zahvalnost na nedavnoj donaciji municije koju je BiH osigurala za iračke snage i borbu protiv ISIL-a, bliskoj bilateralnoj saradnji BiH i SAD u borbi protiv terorizma, kao i za operativni rad službenika za provedbu zakona i službenika obavještajnih agencija koji se svakodnevno bore protiv terorizma i nasilnog ekstremizma.

Iz OSA-e je saopćeno da

je generalni direktor Almir Džuvo ponovo potvrdio snažnu opredijeljenost dugogodišnjem partnerstvu sa SAD u borbi protiv terorizma te vodio konstruktivan razgovor s generalom Alenom o borbi protiv ISIL-a u regiji Balkana.

Generala Alena jučer je na sastancima pratila ambasadorica SAD u BiH Morin Kormak (Maureen Cormack).

K. Ke.



Generala Alena i ambasadoricu Kormak ispred sjedišta OSA-e dočekao direktor Džuvo


Page: 3

Reach: 50000

Country: BOSNIA AND HERZEGOVINA

Size: 429 cm2

2 / 2



General Alen i ambasadorica Kormak kod reisa Kavazovića